

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

7. Ejus delicium Adonis.

[urn:nbn:de:hbz:466:1-68709](#)

V. (g) *Baltheus* quoque Veneris, seu *Cingulum*, aut *Cestus* deliciosus erat ac insidiosus: quippe multa varietate pictus, in quo, juxta Homerum Iliad. 5. *Suavitas*, & *dulcia Colloquia*, & *Benevolentia*, & *Blanditiae*, *Suasiones*, *Fraudes*, *Veneficia* includebantur. His enim artibus gravatur impurus amor ad perdendos eos, qui, cum ipsi dissoluti sint Veneris pulli, etiam alienæ pudicitiae, severius cinctæ, solvunt Zonam. Illæ quoque juvenculæ (quod adagio fertur) *cestum habere* dicuntur *Veneris*, quæ quibuslibet gratiarum oblectamentis amores sibi (etiam vetitos) conciliare student. Vetulæ verò *cesto Veneris indigere* dicuntur, quæ vel muneribus, vel pharmacis, aut fucis amatoriis, dilapsam formam revocare, atque ad alios commendare laborant. Latinis *incestus* dicitur, qui flagitiosè solvit cingulum, justarum & legitimarum nuptiarum Insigne.

VI. (h) Philostratus author est, Venerem in antro molliter infra-tis floribus recubare, juxta quam fons irriguus vitrea perspicuus claritate proslit. Ibi amatoriam videri supellecilem, pyxidas, pectines, specula, Cymbala, variaque amoenitatum & illecebrarum illectamenta. Atque hæc sunt illa crepundia, quæ magnorum etiam virorum emolliunt, & pervertunt peccora. Cognomen inde Veneris apud Romanos veteres, ut *Verticordia* appellaretur. Atque hæc est illa Dea, quæ Martem ipsum, cunctis terribilem, blanditiis suis pellexit, & decepit. Deprehensos in scelere Jupiter reti implicavit, & Soli, cæterisque Divis videndos exposuit. Adeò nullum flagitium est tam occultum, quod superos lateat, & non tandem etiam hominibus pateat. Sectetur licet umbras & antra, & occulta furtæ Venus; protrahentur in lucem, & clandestina turpitudinis ignominiam palam subibunt, in illa certè valle, cuius umbras discutiet & dissipabit decretorius, universalis judicii dies.

VII. (i) Post Martem blandimentis irretitum etiam adolescentilis insidiatur hæc dolosa venatrix. De Adonide referunt fabulæ, eum ob formæ elegantiam Veneri in deliciis fuisse; venantem in Idalio nemo re (ei Divæ sacro) ab apro occisum & laceratum; Extinctum, à Dea defletum, & ad doloris lenimen in florem *adonium*, purpurei coloris, esse commutatum; eique annua festa (*Adonia*) instituta, quæ multo cum planctu celebrabantur: ut Veneris luctus iis repræsentaretur. De his Ezechiel c. 8. *Et introduxit me (genius cælestis) per ostium portæ Domus Domini (Templi Solymæi): & ecce ibi mulieres sedebant plangentes Adonidem.* Prò nefas! ergo matronæ Hebrææ, veri Numinis cognitione imbutæ, detestanda Veneris sacra colunt? Et quid? plangunt amasium pro-

pudiosæ
(g) *Baltheus seu Cestus*. (h) *Veneris supellecilem & antrum*. (i) *Veneris delicium Adonio*.

pudiosæ deæ? Cur? ut eam reddant propitiam sibi? an quidquam execrabilius in gente tam sancta, & à Deo peculiariter electa? in sexu, quem verecundiam docet natura, quem insita pietas in castæ religionis inclinat studium? Nempe ab apro occisus est Adonis, etiamnum puer. Li-
ceat hic illud è SS. litteris usurpare: *fera pessima devoravit eum.* Gen.
37. Nam quæ bellua crudelior, quam dira libido? uno quæ morsu per-
mit innocentiam, & indolem cœlo natam transmittit in fauces Tartari.
Cave nemus Idalium, quisquis cautum saluti voles, adolescens. Tot Ve-
nus in te immittit apros, quot pravos tibi adsciscis socios. Apris fulmen
est in dentibus, perniciosis congerronibus in lingua. Deplorata non re-
dit Castitas.

Pingitur Adonis, ait Macrobius I. i. Sat. capite obnupto, specie tri-
sti, faciem manu lœva intra amictum sustinens, lacrymæ visione conspi-
cientium manare creduntur. Nempe Dolor nascitur ex Voluptate; quæ,
cum initio sit mellea, aescit ad extremum: quodque ait M. Tullius pro
Cœlio: Amores & deliciae mature & celeriter deflorescant, & in omni-
bus rebus, voluptatibus maximis fastidium finitimum est. Id quod de
Hypani fluvio memorat Herodotus lib. 4. eum ab initio dulcem fluere,
deinde valde amarum effici. De amore Poëta multa paucis.

Spes incerta, timor constans, fugitiva Voluptas,
Gaudia moesta, dolor dulcis, amarus amor.

Et aliud:

Libertas carcer, pax pugna, dolenda Voluptas,

Spes metus est, fel mel, seria ludus amor.

Nec immerito Adonis in florem cognominem, seu *Anemonem* eius-
dem curti sanguine coloris, conversus fingitur: qui, ut inquit Plinius,
nunquam se aperit, nisi vento spirante, unde & nomen accepit. *avena*
enim ventus dicitur. Forma flos brevis ævi; bonum fragile, anceps,
fugax.

Immodicis brevis est ætas, & rara senectus. Martial. lib. 6.

In anemonem itaque mutatur Adonis, cuius florem, ut & rosæ:

Una dies aperit, conficit una dies.

Et cuius formæ (aut voluptatis) ventus quilibet spolium aufert.

VIII. (k) Inter alia de laudibus præclaræ huius deæ hoc Am-
brosius lib. 1. de Cain. c. 4. Illic (ubi Venus habitat) comessantium tu-
multus, concertantium clamor, litigantium cædes, concentus canentium,